

Inacha'igen Fino' Chamoru 2018

Po'ema

Tinige' Siñora Teresita Concepcion Flores CHamoru

Tema; I fino' CHamoru; para I Lina'la' Guinaiya yan Pås

Manmatã'chong i manamko' siha ya mana'a'faisen, mana'a'oppe yan mana'ataka'

Hinasso.

Estaguiya ilek-ñiha

"mampos esta matulaika-ña i tiempo, puru mannuebu

na hinasso, otro na kostumbre yan otro na hinengge siha .

lao ai mângge i fino'-ta nu i ginen i hila' i manaina-ta.

Lina'la'-ta este i para ta na'oppan i sinenten i kurason gi i fino-ta.

Manmaleffa hit nu i fina'pos-ta siha. Kulan este ha' pa'go i presente

gaige gi korason-ta, para hãfa i manmaloffan sa' kulan ti prisisu.

Tãddong i guinaiya gi un tiempo. Guinaiya gi todú.

Meggai manmånge' na kostumbren hagas estague lina'lã -

ta. i lina'la' nu i debi di ta embrãsa sa' rikuetdu ginen i manaina.

Mangariñosa i taotao,bula guinaiya momomong gi sanhalom-ta

parehu gi mañatsaga kon todú i manggefsaga,ai kao sisiña ha' mohon

ta rikohi todú i hinasso put i fino'-ta para i lina'la', i guinaiya yan i pãs.

Gi un tiempo manmagof , manomtom,manfafa'cho'cho'
manyodahi hit nu i tano', i hanom yan i aire, mana'a'yuda tod
para minaolek yan minagof. Manmångge este på'go na hinasso
yan kostumbre siha.Mångge i fino' para i lina'la', para i guinaiya
yan para i pås? Este siha ta aligao ta falågue, mungnga na i tiningo'
pa'go ha' lao kontodu i tiningo' i manmaloffan.

Ta rikohi i hinasso-ta,nihi ta petsigi, ta fandanña ta fana'asiste
gi maseha håfa na minagof,tinailayi,chinatsaga yan gi minaså'pet.
Ta fanhita manachatge gi minagof, gi minaolek yan gi i silebrasion.
Ta fanhita manatangse gi i chinatsaga,gi inachåki yan gi pinitensia.
Mungnga na ta fanadespata.Ta fanafalågui, mungnga hit muna'falingu
I fino' CHamoru para i lina'la', i guinaiya yan i pås.